

Ráŋggáštusáššiid ođđasisrahpankommišuvdna

Dieđut ráŋggáštusášši ođđasisrahpama gáibideaddjái

Objektiivá árvvoštallan

Ođđasisrahpankommišuvdna lea sorjjasmeahttun orgána, mii galgá mearridit oažžutgo duopmohas, geas lea riektevuoimmálaš duopmu, áššis meannuduvvot ođđasit rievttis. Kommišuvdna galgá objektiivá árvvoštallama vuodul mearridit divvetgo ođđasisrahpama eavttut. Dat mearrida ieš bargovugiidis, iige dan sáhte gohččut.

Ođđasisrahpama eavttut

Váldoákkat, maid vuodul ráŋggáštusášši riektevuoimmálaš duopmu sáhtá oažžut ođđa meannudeami rievttis leat:

- Ođđa duodaštusat dahje dilit, maid vuodul veadjá leat vejolaš áššehuhttit dahje addit mealgadii láddásut ráŋggáštusa.
- Riikkaidgaskasaš duopmostuollu lea nannen, ahte mearrádus dahje áššemeannudeapmi soahtá álbmotrivttiin, nu ahte lea vuoddu navdit ahte ođđa meannudeamis šaddá eará boadus.
- Jos giinu, geas lea leamaš váldodoaibma áššis, lea dahkan iežas sivalažžan ráŋggáštahtti dahkui, mii sáhtá leat váikkuhan mearrádussii.
- Jos leat erenoamáš dilit, maid geažil ii leat sihkar leago duopmu riektá, ja go duodalaš beroštumit čujuhit dasa ahte ášši galgá árvvoštallojuvvot ođđasit.

Aktiiva bagadeapmi ja iskan

Ođđasisrahpama galgá gáibidit čálalaččat dihto skoviin. Dasa ii leat áigemearri. Kommišuvnnas lea geatnegasvuohta bagadit su, guhte gáibida áššis ođđasisrahpama. Kommišuvnnas alddis lea ovddasvástádus das, ahte buot relevánta dieđut bohtet ovdan. Danin ii dárbbasuvvo veahkkin advokáhta iige priváhta guorahalli.

Kommišuvdna váldá dábálaččat oktavuoda ovttaskas olbmui, jos su ii ovddas advokáhta.

Vuodlaš guorahallan

Ođđasisrahpankommišuvnnas lea ovddasvástádus guorahallat vuodalaččat ášši rievttálaš beliid ja duohtabeliid, ja dat sáhtá viežžat dieđuid vugiiguin, mat adnojuvvojit ulbmillažžan. Kommišuvdna sáhtá earret eará gohččut duopmohasa ja vihtaniid, maid gillájeaddji, boahit gažadeapmái, ja dat sáhtá geatnegahttit addit dieđuid ja nammadit áššedovdiid. Kommišuvnnas lea iežas čállingoddi, man guorahallit veahkehit áššiid iskamiin.

Oktavuoha ášši gillájeaddjiin

Jos kommišuvdna ii hilggo gáibádusa, ja dan árvvoštallet lagabui, de galgá gillájeaddjái / lagamus mañisbáhccái almmuhuvvot ahte ođđasisrahpan lea gáibiduvvon.

Gillájeaddjis/lagamus mañisbáhccis lea dábálaččat vuoigatvuohta beassat oaidnit ráŋggáštusáššedokumeanttaid, ja vuoigatvuohta cealkit čálalaččat oainnus gáibádusa hárrái. Sus lea maid vuoigatvuohta bivdit vejolašvuoda čielggadit ášši kommišuvdnii, ja lea dábálaččat vuoigatvuohta beassat oaidnit dieđuid, maid kommišuvdna lea čohkken guorahallamisttis.

Kommišuvnna mearrádus

Kommišuvnna jodiheaddji sáhtá hilgut gáibádusaid, jos mearrádus iešvuođaidis dáfus lea dakkár ahte dan ii sáhte rahpat ođđasit, ja gáibádusaid, main čielgasit ii sáhte vuotit. Eará áššiid mearrida kommišuvdna. Jos kommišuvdna gávnaha, ahte ođđasisrahpama eavttut divvet, de gáibádus čuvvojuvvo ja ášši galgá iskojuvvot ođđasit rievttis.

Ráנגgáštusáššiid ođđasisrahpankommišuvdna

Ráנגgáštusproseassalága mearrádušat

§ 397. Kommišuvnna lea geatnegasvuohka bagadit ođđasisrahpama gáibideaddji, nu ahte son sáhtá fuolahit iežas beroštumiin buoremus lági mielde.

Kommišuvdna galgá iežas álgagiin árvoštallat dárbbášago áššáiduhtton bagadeami. Kommišuvdna sáhtá nammadit almmolaš bealušteaddji áššáiduhtton olbmui, go dasa leat erenoamáš ákkat. §§ 101-107 njuolggadusat gustojit dalle vástideaddji lági mielde. Kommišuvdna sáhtá nammadit veahkkeadvokáhta gillájeaddjái §§ 107 a-107 d njuolggadusaid mielde nu guhkás go dat heivejit. Kommišuvnna mearrádušat § 78 nuppi laddasa mielde, mat gusket bealušteaddji ja veahkkeadvokáhta buhtadusaide, leat loahpalaččat.

Jos gáibáduš guoská mearráduš, mii iešvuodaidis dáfuš ii sáhte rahppojuvvot ođđasit, dahje jos das ii leat vuoddu mii lága vuodul vuoigadahtášii ođđasisrahpama, de sáhtá kommišuvdna lagat gieđahallama haga hilgut gáibáduš diggemearráduš njuolggadusaid vuodul. Seammá guoská go gáibáduš eará ákkaid geažil čielgasit ii sáhte vuoitit. Mearráduš sáhtá dahkat kommišuvnna jodiheaddji dahje várrejođiheaddji. Go mearráduš vuosttaš čuoggá vuodul ii leat eahpáduš, dan sáhtá dahkat eará vuodušteami haga go dán láchkamearrádušii čujuhemiin.

Jos gáibáduš ii hilgojuvvo goalmmát laddasa njuolggadusaid vuodul, de dat ovdandivvojuvvo nuppi osolažžii. Jos gaskaboddasaš geahččaleapmi vuodduuvvá eará dieđuide, go mat bohtet ovdan gáibáduš, de galgá maid daid ovdanbuktit osolaččaide ovdalgo mearráduš dahkkojuvvo. Dat ii dattetge guoska dieđuide, maid áššáiduhtton ii leat vuoigadahtton diehtit § 264 vuodul, dahje mat bohtet osolaččas alddis.

Kommišuvdna almmuha gillájeaddjái ja mañisbáhccái lágas celkojuvvon ortnegis gáibáduš birra, jos dat ii hilgojuvvo goalmmát laddasa vuodul. Gillájeaddji ja mañisbáhccit lágas mearriduvvon ortnegis galget oažžut dieđu vuoigatvuodasteaset beassat oaidnit dokumeanttaid, cealkit oainnuset ja bivdit beassat čilget ášši kommišuvnna, ja vejolašvuodas oažžut nammaduvvot veahkkeadvokáhta.

Kommišuvnna lahtut ja čállingoddi

Ođđasisrahpankommišuvnna lahtut	Lahtuin leat ovttas nana ja viiddis vásáhusat duopmostuoluin, áššáskuhttineiseválddis, bealušteaddji ámmáhis, dutkamis ja eará servodateallimis.
Kommišuvnna lea nammadan Gonagas stáhtarádis, ja das leat vihtta lahtu ja golbma várrelahtu. Jođiheaddjis, várrejođiheaddjis ja ovtta lahtus galgá leat juridihka ámmáteksámen.	Sierra guorahallit
Jođiheaddji nammaduvvo čieža jagi áigodahkii, mii ii sáhte jotkojuvvot. Lahtut nammaduvvojit golmma jagi áigodahkii, ja sáhttet nammaduvvot ođđasit oktii.	Jođiheaddji lassin kommišuvnna lea čállingoddi, mas leat logi bargi. Gávccis leat guorahallit ja guovttis kánturbargit. Guhtta guorahalli leat juristtat ja guoktásis lea polesfágalaš duogáš.

Oktavuodadieđut

Poastačujuhus: Postboks 2097 Vika, 0125 Oslo Galleđančujuhus: Tordenskioldsgate 6 Telefovndna: 22 40 44 00	Telefákasa: 22 40 44 01 E-poasta: post@gienopptakelse.no Interneahtta: www.gienopptakelse.no
--	---

Jos dus leat jearaldagat ođđasisrahpama eavttuid hárrái dahje áššemeannudeami hárrái, de mii bivdit du váldit oktavuoda kommišuvnna.